



Die Voortrekkers

BROSJURE OOR LIDMAATSKAP



OORHANDIG 'N KOPIE VAN DIE BROSJURE SAAM MET ELKE AANSOEKVORM OM LIDMAATSKAP AAN DIE BETROKKE

1. AANSOEK OM LIDMAATSKAP AS 'N JEUGLID (PENKOP, DRAWWERTJIE OF VERKENNER)

Die prosedure om 'n jeuglid van *Die Voortrekkers* te word is soos volg:

- 1.1 'n Ouer of wettige voog van die kind wat aansoek doen om lidmaatskap moet 'n deeglike studie maak van die grondslag, wese en doelstellings van *Die Voortrekkers* soos dit hieronder weergegee word.
- 1.2 Die ouer of wettige voog doen op die voorgeskrewe vorm aansoek om lidmaatskap vir sy kind, verleen toestemming dat die kind aktief blootgestel word aan die kultuuraktiwiteite van die Afrikanervolk soos deur *Die Voortrekkers* gedefinieer; en verleen vrywaring teen alle gebeurlikhede waar growwe nalatigheid nie ter sprake is nie.
- 1.3 Indien die Kommandobestuur dit goedkeur word die kind genooi om aan die Voortrekkerkommando se bedrywighede deel te neem vir 'n tydperk van twee maande. Daarna word die aansoek tesame met die Voortrekkerkommando se aanbeveling aan die gebiedsbestuur voorgelê vir goedkeuring en registrasie. Na goedkeuring moet 'n lid die toepaslike belofte aflê. Registrasie is 'n vereiste vir deelname aan aktiwiteite buite kommando verband.
- 1.4 'n Aansoek om lidmaatskap kan sonder bekendmaking van redes geweier word. Indien 'n aansoek geweier word het die Voortrekkerkommando die reg tot appèl na die betrokke gebiedsdagbestuur en na die hoofdagbestuur. Indien enigiemand probeer om 'n aansoek buite die amptelike kanale om (byvoorbeeld in die media), tot nadeel of verleentheid van *Die Voortrekkers* te bevorder, verval so 'n aansoek summier.

2. AANSOEK OM LIDMAATSKAP AS VOLWASSE LID (STAATMAKER, OFFISIER, HEEMRAADSLID OF JEUGVRIEND)

Die prosedure om 'n volwasse lid van *Die Voortrekkers* te word is soos volg:

- 2.1 Die kommandodagbestuur oordeel namens die Kommandobestuur of 'n volwasse persoon se lewensinstelling so is dat hy/sy binne die raamwerk van die grondslag, wese en doelstellings van *Die Voortrekkers* tuis sal voel in dié kultuurbeweging.

- 2.2 Slegs as die aansoek 'n redelike kans op sukses sal hê word die persoon genooi om aansoek te doen om lidmaatskap nadat hy/sy 'n deeglike studie gemaak het van die grondslag, wese en doelstellings van *Die Voortrekkers* soos dit hieronder weergegee word.
- 2.3 Die persoon doen dan op die voorgeskrewe vorm aansoek om lidmaatskap en gevolglike omskrywing van die kultuuraktiwiteite van die Afrikanervolk soos deur *Die Voortrekkers* gedefinieer. Die persoon verleen ook vrywaring aan *Die Voortrekkers* teen die gevolge van alle gebeurlikhede met hom/ haar waar growwe nalatigheid nie ter sprake is nie.
- 2.4 Indien *Die Voortrekkers* die aansoek goedkeur word die persoon geregistreer en kan dan as volwasse lid ten volle deelneem aan al *Die Voortrekkers* se aktiwiteite. Staatmakers, offisiere en heemraadslede word so gou doenlik na goedkeuring ingelyf deurdad die betrokke belofte afgelê word.
- 2.5 'n Aansoek om lidmaatskap kan sonder bekendmaking van redes geweier word. Indien 'n aansoek geweier word het die Voortrekkerkommando die reg tot appèl na die betrokke gebiedsdagbestuur en na die hoofdagbestuur. Indien enige iemand probeer om die aansoek buite die amptelike kanale om (bv in die media), tot nadeel of verleentheid van *Die Voortrekkers* te bevorder, verval so 'n aansoek summier.

3. BEËINDIGING VAN LIDMAATSKAP

Die lidmaatskap van enige persoon kan beëindig word wanneer hy hom gedra op 'n wyse wat strydig is met die bepalings van die grondwet en die reglemente van *Die Voortrekkers*.

4. DIE BETROKKE ARTIKELS VAN DIE GRONDWET LUI SOOS VOLG:

- **GRONDSLAG** (Artikel 2 van die grondwet)
Die grondslag van Die Voortrekkers is God Drie-enig se openbaring aan ons deur die Bybel en die skepping.
- **WESE** (Artikel 3 van die grondwet)
Die Voortrekkers is 'n kultuurbeweging wat die moderne Afrikaner, in besonder sy jeug, bemagtig om as positiewe Burgers en konsekwente Christene suksesvol te wees
- **DOELSTELLINGS** (Artikel 4 van die grondwet)
Die doelstellings van *Die Voortrekkers* is:
 - 4.1 om die geloof in God Drie-enige te vestig;
 - 4.2 om op alle terreine 'n Bybels Christelike lewe te lei;
 - 4.3 om die Afrikanerkultuur oor te dra en uit te bou en om ons kultuurerfenis te waardeer en te bewaar;

- 4.4 om uit die verlede van die Afrikaner te neem wat goed is en daarop te bou vir die toekoms;
 - 4.5 om ons omgewing waar te neem, te waardeer en te bewaar;
 - 4.6 om tot goeie landsburgers en leiers te ontwikkel; en
 - 4.7 om gewoontes van oplettendheid, ondersoek, waardering, selfstandigheid, selfdissipline, diensgerigtheid en diensvaardigheid te ontwikkel
- **LIDMAATSKAP** (Artikel 8 van die grondwet)
 - 8.1 'n Aansoek om lidmaatskap spruit voort uit werwing deur, of op uitnodiging van *Die Voortrekkers* soos in die betrokke reglement¹ bepaal.
 - 8.2 Elke voornemende lid wat hom vereenselwig met die grondslag, wese en doelstellings van *Die Voortrekkers* kan aansoek doen om lidmaatskap.
 - 8.3 'n Voornemende lid se aansoek of aanbod om lidmaatskap word gehanteer soos in die betrokke reglement² bepaal en word goedgekeur indien daar na die mening van *Die Voortrekkers* aan al die vereistes voldoen is.
 - 8.4 In die geval van voornemende *jeuglede* moet die jeuglid se ouer/voog hom vergewis van die grondslag, wese en doelstellings van *Die Voortrekkers* en skriftelik toestemming gee dat die jeuglid daaraan blootgestel word.
 - 8.5 In die geval van lidmaatskap van *offisiere, Staatmakers en heemraadslede* moet 'n voornemende lid:
 - 8.5.1 die grondslag, wese en doelstellings van *Die Voortrekkers* onderskryf en uitleef;
 - 8.5.2 'n lidmaat wees van 'n aanvaarde Christelike³ kerk.
 - 8.6 'n Aansoek om lidmaatskap kan sonder bekendmaking van redes geweier word.
 - 8.7 Alle goedgekeurde lede word geregistreer.
 - 8.8 Na registrasie moet lede, behalwe erelede en beskermhere ingelyf word deur die toepaslike belofte af te lê.
 - 8.9 'n Lid se lidmaatskap van *Die Voortrekkers* kan beëindig word soos in die betrokke reglement⁴ bepaal.
 - **BELOFTES**
 - Elke lid van *Die Voortrekkers* moet die toepaslike belofte aflê nadat sy lidmaatskap goedgekeur is.

¹Reglement, hoofstuk 3, artikel 10

²Reglement, hoofstuk 3, artikel 10

³Grondwet, artikel 32.7

⁴Reglement, hoofstuk 3, artikel 13

Penkoppe en Drawwertjies

(Leerlinge tot graad 7)

Ek sal oral en altyd probeer om 'n Voortrekker te wees, om gehoorsaam te wees, om my volk, my land en my medemens te dien en bo alles die Here lief te hê.

Verkenners

(Leerlinge in graad 8 tot graad 12)

Op my eer beloop ek dat ek sal strewer om God te eer, om my volk, my land en my medemens te dien en om die Voortrekkerkode na te leef.

Staatmakers

(Naskoolse persone ouer as 18 jaar wat nie offisiere is nie)

Ek beloop dat ek sal strewer om te volhard in diens aan die Drie-enige God, my volk, my land en my medemens. Ek vereenselwig my met en onderskryf die grondslag en wese van Die Voortrekkers en onderneem om die doelstellings van Die Voortrekkers te bevorder.

Offisiere

Ek beloop dat ek sal strewer om te volhard in diens aan die Drie-enige God, my volk, my land en my medemens. Ek vereenselwig my met en onderskryf die grondslag, die wese en die doelstellings van Die Voortrekkers en onderneem om dit aan die jeug oor te dra.

Heemraadslede

(Volwasse persone wat op 'n kommandobestuur verkiesbenoem is)

Ek vereenselwig my met en onderskryf die grondslag, die wese en die doelstellings van Die Voortrekkers. Ek beloop om alles in my vermoë te doen om Die Voortrekkers in my omgewing met raad en daad te ondersteun en om die doelstellings van Die Voortrekkers te bevorder.